

# Jus Mon Endi Połpu Gos Wumb Kin Kindim

---

## Jus Pułum Mon Ei

<sup>1</sup>Na Jiisas kin ekii sip kin, eim nge kongun wu mołup kin, nanim Jeims nge angim moł. Na mon ei połup kin, wumb ombu Gos eim wii topu “Nanim kin ekii sik nanim nge wumb mułngii,” pa ninim, wumb ei kin nognd. Ngop kin, wumb ombu enim, Erinjpin Gos nge noman ngołum oł ei nge, pira mułangin kin, nga enim Jiisas Krai eim angil ełe tep ka erang mołmun.

<sup>2</sup>Pe Gos eim kaplı enim kin kaimb sipi kin, nga eim erang enim noman tukrung emin ka seng kin, nga eim am enim kin noman kułpu ngołum oł ombu ei, enim kin pei mendpił tonu opu pengli!

## Gos Nge Ek Ka Opu Orung Wumb

<sup>3</sup>Na angnan noł mendpił, nanim enim kin noman to piip kin, mon pułmbii ni piinj mon ei, pe puls. Puls mon ei, Gos eim sinim si orung simba ei, pe na mon ei połup kin, enim kin ngond. Na nemb enim paki tang kin, enim nge pii gii ei ambił gii nik dinga kindik kin wumb ek kend tok kun pinałim mił nik kin, andan to ngołmun wumb ei kin kan kun erik mułngii. Molk kin, kunum endeim mendpił Gos eim sinim pii gii wumb pei kin ngum pii gii ei, tep ka erpin kin dinga kindpin kin, pii gii ei ambił gii ni mułmun. <sup>4</sup>Nanim ek ei mił nip ngond ei, nimbił erang wumb kombur ek kend kun pinałim wumb ei koi erik molk kin, en enim, enim kin tep to mułmun. Molk kin en enim oł kun pinałim mił erngii ei, sinim Gos nge noman ka ngołum oł ei kin en enim to eipi eipi kindik kin oł eipi endi ełmin. Erik kin, en enim oł kis kanim kanim ngenj noman kuł ngumba ni piik ełmin. Erik kin en enim sinim Jiisas Krai Owundu sinim tep er mołum Owundu ei, en enim buł ngok kin yi ełmin. Kumb ok Gos nge ek ka si, ni tor kindpi kin yi nirim. Wumb oł kis ełmin ełe nge Gos kos owundu simba kunum ei en enim kumep kis singii ei sim sałim. <sup>5</sup>Pe nga na enim nemb piingii ei nge, enim ok piik kin, kanik enjing ei,

Gos eim Esrel wumb Eisip mulnjung konu eġe, eim paki to se mengpi kin, Eisip konu tor tu wum. Tu wang kin, wumb ombu, eim kin pii gii ninenjing wumb ei, ekii se, eim to kondpu kis er si kindim. <sup>6</sup>Nga enim piingii ei, enjel en enim Gos ngopu kin, tep erik muġei, a nirim konu eġe, si kindik, yi erangin kin, Gos eim en enim ambipġi, sipi kin, konu endi kindang moġmun. Molk kin, ekii muġ mei poru nimba kunum eġe, Gos eim sipi kan ngii miġ kindang konu kis eġe, kunum kunum muġngii. Nimbiġ erang en enim Gos ngum kongun ei, mandi eġe erik mulenjing. Mularik kin, nga Gos en enim dinga ngopu eġe molk kin, tep erei, nirim ei miġ, si kindnjing. Si kindangin kin, en enim Gos kos owundu piimba kunum owundu ei, eim enim konu kis eġe kindmba. <sup>7</sup>Ei yi miġ ku, Sorom kin Gomora konu owundu taġ nin, nga konu kombur orung orung mandi sirim ei, enjel erik kin, oġ kis enjing ei, dup opu nopy kin, konu kin, wumb ni pei, to kis erpi eipi eipi kindrim. Kindang kin, sinim noman to piipin muġmun ei, Gos wumb nii endi oġ kis kun pinaġim miġ er andiġim ei, Gos eim wumb ei kin, oġ yi ku erpi ngumba. Ngumba ei dup konu kis eġe, kunum kunum piram nop muġang kin, en enim ngenj kumbii kis singii. <sup>8</sup>Yi miġ ku, wumb oġ yi enjing miġ ku, wumb ombu en enim or kumb min men miġ kenjing ei, en enim nge ngenj eġe ok kis erik eġmin. Nga yi ku sinim Owundu nge noman dinga ei, en enim ek buġ ambilk kin toġuġ eġmin. Nga yi ku, en enim tonu epin konu eġe enjel ei nge, se ek kul sik yi erik eġmin. <sup>9</sup>Ba ok enjel owundu Maikel moġpu kin, kunum endi eim Gos nge opu orung wu kis Seisen kin ek miġ erkiġ kin, Moses nge ngenj ei nikiġ, ek miġ erkiġ, ba enjel owundu Maikel eim, ek endi nipi kin, Gos nge opu orung wu kis Seisen, “Nim oġ kis kun pinaġim miġ en” pa ninerim mon; ba eim yi nirim, “Owundu eim nim ek dinga mendpiġ nipi kin oġ kis en eġe nge ngonum,” nipi yi nirim. <sup>10</sup>Ba wu ombu en enim pei ei epi ombu, pii kun enaġmin eġe nge, en enim ek kis nik kin, nga en enim epi pii kun enmin epi kanim kanim ombu, en enim kung owu miġ, oġ kanim enim eġe yi paġim ei, noman to piik enaġmin mon. Oġ eġe nge, en enim kin kumep kis ngopu kin to kis ermba. <sup>11</sup>Yi miġ en enim kan kun erik muġngii! Nimbiġ erang en enim Gos kin ekii sinerim wu Kein, eim erim oġ ei, en enim yi ku eġmin. Nga en enim ku nin epi simin ni piik kin, en enim erik oġ ei miġ wu Beilim yi ku piipi eririm. Nga yi ku kumb ok wu Kora eim ek dinga piipi kin ekii sineririm ei miġ ku, en enim yi ku erik kin, Kora eririm oġ ei miġ Gos eim erpi kumep kis ngurum miġ yi ku en enim am puk kin, konu kis eġe pungii. <sup>12</sup>Yi miġ wu ombu en enim mundun ming penj moġum ei miġ moġmun. Molk kin, enim men ngii kuni owundu endi nungii ei nge, en enim singambiġ kulanmin. Kularik kin, en enim nge mendpiġ noman to piik kuni en enim mendpiġ nonmun. Nok kin, en enim yi miġ kupu muġ endi, jipiġ topu kin, nga konu tunarpi kin, konu pop topu, sipnim ei miġ; nga yi miġ ku, ond endi angpi, onguġ pei

topu kin, tengngii kunum mong top mulatim ei mił ku; nga ond dumbuł pei kułii erpi kin, kołpu numenj tonum ei, mił mołmun. <sup>13</sup>Nga en enim yi mił ep noł topu kin, ko wupu onum mił, en enim oł kis kun pinałim mił enmin ei yi mił. En enim noł wer ełe, noł milali kindpi mołum ei mił, en enim singambił sik kin, oł kis yi erik mołmun. Molk kin en enim yi mił kor kanjip endi pupu kin ełe pepi ełe pepi, enim mił, yi erik mołmun; ba Gos konu endi er sim sałim ei emii mendpił peng mułngii.

<sup>14-15</sup>Nga Einok eim ok yi mił nirim, wu ombu ek kend tok kun pinałim ninmin wu ombu kin tonu omba ek ei, piipi nirim. Andam tonu opu multum nga Einok eim tonu opu mołpu kin, ek nipi eririm ei, Andam nge buł morung wumb tiłap angii orung nga tał tonu ok mulk kunum ełe, eim tonu opu mołpu kin ek ni tor kindpi kin, yi nirim. Eim yi nirim, “Enim piyei! Owundu eim kin, eim nge enjel pei tonu, kanjip mołum ei mił, yi pei mendpił kaplı ongii,” pa nim. Yi erpi opu kin, eim kaplı wumb pei kii si orung kindpi kin, kos piimba. Piipi kin, eim pii gii ninanmin wumb ei, oł kis kanim kanim enjing ei, kii sipi kin, kos piimba. Piipi kin, nga ek kis kanim kanim endi, Gos kin ninjing kin, yi ku kii si ngopu kin kos piimba. <sup>16</sup>Wu ombu en enim kunum kunum nu gultam nik kin, en enim ełmin oł ei sipik kin, wumb eipi ełmin pa nik ełmin; nga en enim noman ełe, oł kis kun pinałim mił erii niłim ei, ekii sik ełmin. Pe nga en enim ek dinga nik kin, wumb piingii ei, “Sin sinim wumb owundu mołmun,” ni piingii nik yi ełmin. Nga en enim wumb eipi nge epi endi simin ni piik kin, kenim ni ełmin.

### Enim Pii Gii Ambii Gii Ningii

<sup>17</sup>Ba nanim nge wumb puł mił ei, enim piyei! Ok enim Jiisas Krai Owundu nge ek se andiiłmin wu ombu ek ni tor kindnjing ek ei piingii! <sup>18</sup>Wumb ombu enim, enim kin yi ninjing, “Muł mei poru nimba kunum ei, wu kombur ongii ok pendik kin, enim kin tokuł erik ngungii. Ngok kin, noman to piinarik kin, oł kis ombu, ekii sik pungii,” pa ninjing. <sup>19</sup>Wu yi nge ombu, en enim erik kin, wumb sipik tiłap eipi eipi kindik kin, erangin mułngii. Molk kin, en enim noman ya mei ełe, wu noman pałim mił, ekii sik erik kin, punmun ei, Gos Gui Ka ei, en enim kin mulatim mon. <sup>20</sup>Ba enim nanim angnan noł; enim noman tuk ełe dinga kindik kin, en enim pii gii kun ka pałim mił, dinga kindik mułngii! Molk kin, enim kunum kunum prei erngii ei, Gos Gui Ka ełe nge, prei erngii! <sup>21</sup>Nga en enim Gos noman kultum oł ełe nge, enim kaplı no pek mułngii! Yi erik kin, nga Jiisas Krai sinim Owundu nge kaimb sipi kin, sinim ngołum oł ei, peni ełe tor omba kunum ei, enim kunum kunum kui er mułngii.

<sup>22</sup>Nga enim wumb kombur pii gii dinga pinerang mołmun wumb ei kin, kaimb sik kin paki tok yi erngii. <sup>23</sup>Nga wumb ombu en enim dup

konu kis eŧe miŧ moŧmun ei, kapŧi enim sikir erik, si orung singii. Sik kin, enim kapŧi gaŧ kulk kin, kaimb sik enmin oŧ ei nge, wumb kombur kin yi erik ngungii. Ngok kin, konduk ok nge penj mendpiŧ moŧum ei miŧ noman tuk oŧ kis saŧim ei, enim kanik kun erik kin, buŧ ngok kin gaŧ kulk muŧngii.

### **Prei Erpin Ek Ka Nipin Gos Ngumun**

<sup>24</sup>Pe nga Gos eim kapŧi enim kan kun erpi kin, se muŧang kin enim bok tok orung puk kin, oŧ kis kun pinaŧim miŧ yi enerngii mon! Eim kapŧi enim si mengpi opu kin, eim tiŧang dinga owundu ermba kumb eŧe tu wumba. Tu wang kin, enim nge oŧ kis endi pinerang kin, enim ka mendpiŧ piik muŧngii. <sup>25</sup>Gos ei Gos endeim mendpiŧ moŧum ei sinim se orung sim puŧwu ei, eim Jiisas Krai sinim nge Owundu ei, eim kongun erim eŧe nge, sinim se orung sipi kin, eim kin sim. Seng kin, sinim kapŧi eim embe kapŧi ambiŧ tonu kindmin. Kindamin kin, eim kapŧi King Owundu muŧmba ei, kapŧi dinga owundu mendpiŧ saŧim; nga eim epi kanim kanim pei ei eim peng tep erpi moŧum ei puŧwu. Eim kumb ok moŧuŧum. Pe eim moŧum ku; nga ekii ei eim kunum kunum moŧpu ba ku. Ei keimi!